



Sarajevo, 15.07.2025. godine

BOSNA I HERCEGOVINA
VIJEĆE MINISTARA BOSNE I HERCEGOVINE
Trg Bosne i Hercegovine broj 1,
71 000 S A R A J E V O

21-07-2025
[Signature]

- n/r gospođe Botjane Krišto, predsjedavajuće
- n/r gospodina Staše Košarca, zamjenika predsjedavajuće
- n/r gospodina Zukana Heleza, zamjenika predsjedavajuće

PREDMET: Budžet institucija Bosne i Hercegovine za 2025. godinu, hitan sastanak, tražimo.-

Poštovani,

Predstavnici Reprezentativnih sindikata na nivou Bosne i Hercegovine, odnosno Sindikat državnih službenika i namještenika, Sindikat Uprave za indirektno oporezivanje i Savez sindikata policijskih organa koji predstavlja Sindikat SIPA-e, Sindikat Granične policije i Sindikat Direkcije za koordinaciju policijskih tijela, su dana 03.07.2025. godine, povodom neusvajanja Budžeta institucija u Bosni Hercegovini za 2025. godinu održali sastanak sa ministrom finansija i trezora u institucijama Bosne i Hercegovine, gospodinom Srđanom Amidžićem, koji je istakao da je ovo ministarstvo završilo sve obaveze u vezi pripreme Budžeta te da je problem nastao kada je Predsjedništvo kao predlagač Budžeta zatražilo da se u isti uvrsti sedam institucija kulture a za koje se nisu stekli uslovi da postanu budžetski korisnici u skladu sa odredbama Zakona o finansiranju institucija Bosne i Hercegovine.

Nakon sastanka sa gospodinom Amidžićem predstavnici Sindikata su imali sastanke sa članom Predsjedništva BiH, gospodinom Komšićem. koji nam je iznio podatak da je problem ne usvajanja Budžeta na Predsjedništvu predmet „Vijadukt“, te da isti neće podržati prijedlog Budžeta sve dok se isti problem ne bude tretirao kroz konsolidovani dio Budžeta identično kao vanjski dug. Pored toga predstavnici Sindikata su se sastali i sa predsjedavajućom Predsjedništva, gospođom Željkom Cvijanović, koja je ponovila da je član Predsjedništva BiH, gospodin Denis Bećirović, tražio da se Budžet institucija uvrsti sedam institucija kontrole, te da se „Vijadukt“ ne spominje uopšte kroz Budžet institucija.

Ovom prilikom Vas želimo upoznati da su pojedine kategorije uposlenih u institucijama na rubu egzistencije i primaju mjesečnu platu u iznosu od 720,00 do 960,00 KM što je ispod minimalne plate utvrđene u oba entiteta te jedva sastavljaju kraj s krajem. Ističemo da su svi uposleni u institucijama Bosne i Hercegovine, njih ukupno oko 23.000 u sve tri kategorije, najlošije plaćeni u odnosu na uposlene na drugim nivoima vlasti, entitetskim, kantonalnim pa čak i općinskim nivoima, te da neusvajanje Budžeta za sve navedene uposlene drži iznos primanja na nivou 2024. godine a svakodnevna poskupljenja za iste čine život nemogućim.

S tim u vezi, imajući u vidu trenutni materijalni status uposlenih u institucijama Bosne i Hercegovine, te veliko rastuće nezadovoljstvo kod svih uposlenih tražimo HITAN sastanak kako bi razgovarali o problemima u vezi sa Budžetom za 2025. godinu i upoznali Vas sa svim problemima sa kojima se zbog neusvajanja Budžeta „nose“ uposleni u institucijama Bosne i Hercegovine.

Ukoliko se oglušite na naš zahtjev, napominjemo da ćemo biti primorani preduzeti druge, mnogo radikalnije poteze sindikalne borbe za prava naših članova u skladu sa zakonima koji to regulišu.

Spoštovanjem,

SAMOSTALNI SINDIKAT
DRŽAVNIH SLUŽBENIKA I
ZAPOSLENIKA U
INSTITUCIJAMA BOSNE I
HERCEGOVINE

Mirko Mirković

Radenko Mirković, predsjednik


Broj: 03-SD-52/25
Datum: 17.07.2025



SAVEZ SINDIKATA
POLICIJSKIH ORGANA
BOSNE I HERCEGOVINE

Edin Kahrmanović
Edin Kahrmanović, zamjenik
predsjednika

Broj: 25/25
Datum: 15.07.2025. godine



SINDIKAT UPRAVE ZA
INDIREKTNO/NEIZRAVNO
OPOREZIVANJE

Ana Mrnjavac
Ana Mrnjavac, predsjednica

Broj: 101/9-07/25
Datum: 17.07.2025.

